

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku
i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and
Youth

**INSTRUKCIJA
ZA IZRADU PRIJEDLOGA PLANA UPISA STUDENATA
NA AKREDITOVANIM VISOKOŠKOLSKIM
USTANOVAMA NA PODRUČJU KANTONA SARAJEVO**

April, 2015. godina



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



Imajući u vidu činjenicu da je na visokoškolskim ustanovama neophodno osigurati funkciju i kvalitet nastavnonaučnog, naučnoistraživačkog rada, umjetničkog i umjetničkoistraživačkog rada koji će doprinijeti integraciji obrazovnog sistema Kantona Sarajevo u evropski prostor visokog obrazovanja i naučnoistraživačkog rada, neophodno je da licencirane i akreditovane visokoškolske ustanove na području Kantona Sarajevo u saradnji sa Ministarstvom kontinuirano prate i analiziraju procese u vezi sa upisom studenata.

U postupku donošenja odluke o broju studenata koji će se finansirati iz Budžeta Kantona Sarajevo, kao i broja studenata koji će sami finansirati svoj studij, Ministarstvo će Vladi Kantona Sarajevo sugerisati da, prilikom razmatranja prijedloga plana upisa u prvu godinu studija koji utvrdi nadležno tijelo visokoškolske ustanove, vrednuje i razmara u svjetlu više parametara.

Vrednovanje i analiza stanja i potreba tržišta rada treba imati za cilj smanjenje broja upisnih mjesta na studijskim programima suficitarnih zanimanja odnosno povećanja broj upisnih mjesta na studijskim programima deficitarnih zanimanja.

U cilju uspostave funkcionalne korelacije između koncipiranja i provedbe upisne politike, stanja na tržištu rada i specifičnih interesa šire društvene zajednice, visokoškolske ustanove trebaju uključiti sve relevantne aspekte (naročito odnos ponude i potražnje na tržištu rada za pojedinim zanimanjima) rukovodeći se činjenicom da znanje predstavlja osnov budućeg društvenog razvoja kao i činjenicom da bosanskohercegovački obrazovni sistem predstavlja integralni dio evropskog prostora visokog obrazovanja.

Uvažavajući društvenu ulogu i odgovornost visokoškolskih ustanova za osiguranje kvalitetnog visokog obrazovanja i kreiranje društveno odgovorne upisne politike, visokoškolske ustanove, uz odluku kojom se utvrđuje prijedlog plana upisa studenta u prvu godinu studija za svaki ciklus studija, Ministarstvu za obrazovanje, nauku i mlade Kantona Sarajevo odnosno Vladi Kantona Sarajevo trebaju dostaviti dokaze za svaku organizacionu jedinicu o ispunjenosti uslova propisanih Standardima i normativima za obavljanje djelatnosti visokog obrazovanja na području Kantona Sarajevo.

Navedeno podrazumijeva da visokoškolska ustanova u prilogu prijedloga plana upisa studenata dostavi dokaze o raspoloživosti akademskog osoblja i infrastrukturnih kapaciteta neophodnih za realizaciju nastavnog, naučnoistraživačkog, umjetničkog i umjetničkoistraživačkog rada te da potvrdi da prati i analizira trendove tržišta rada.

1. KADROVSKE PRETPOSTAVKE ZA REALIZACIJU NASTAVNO-NAUČNOG PROCESA

Visokoškolska ustanova je obavezna naznačiti broj članova akademskog osoblja koji je neophodan za realizaciju nastavnog procesa u skladu sa Standardima i normativima za obavljanje djelatnosti visokog obrazovanja na području Kantona Sarajevo ("Službene novine Kantona Sarajevo" broj: 04/06).

Kao potvrdu postojanja optimalnih kadrovskih pretpostavki za realizaciju nastavnog procesa neophodno je da visokoškolska ustanova, uz prijedlog za upis sudenata, za svaku organizacionu jedinicu posebno dostavi sljedeće podatke:

1.1 broj članova akademskog osoblja s kojim organizaciona jedinica raspolaže za relizaciju nastavnog procesa,

1.2 broj članova akademskog osoblja koji se nalazi u radnom odosu s punim radnim vremenom,



- 1.3 broj članova akademskog osoblja koji se nalazi u radnom odnosu s nepunim radnim vremenom,
- 1.4 broj članova akademskog osoblja koji se planira angažovati za realizaciju nastavnog procesa s drugih domaćih ili inostranih visokoškolskih ustanova odnosno organizacionih jedinica,
- 1.5 ukupno sedmično, semestralno i godišnje nastavno opterećenje akademskog osoblja koje će realizovati nastavni proces za predloženi broj studenata za upis, uz istovremeno uvažavanje strukture i broja već upisanih studenata kao i uvažavanje prirode odnosno specifičnosti pojedinih oblika nastavnog procesa (tabelaran prikaz).

Nastavno opterećenje akademskog osoblja iskazati kompariranjem ukupanog broja studenata na predavanjima i praktičnim oblicima nastavnog procesa (vježbe, rad u seminarima, rad u grupama) s brojem akademskog osoblja i nastavnim opterećenjem svakog člana akademskog osoblja na sedmičnom, semestralnom i godišnjem nivou.

2. PROSTORNE I DRUGE INFRASTRUKTURNE PRETPOSTAVKE ZA REALIZACIJU NASTAVNOG PROCESA

Uz prijedlog plana upisa studenata potrebno je prikazati raspoloživost prostornih i drugih infrastrukturnih kapaciteta namijenjenih za realizaciju nastavnog procesa na sljedeći način:

- 2.1 naznačiti namjenu i broj raspoloživih prostora (broj učionica, sala, laboratorija i dr.),
- 2.2 iskazati ukupnu kvadraturu raspoloživog prostora namijenjenog za realizaciju nastavnog procesa,
- 2.3 iskazati kvadraturu raspoloživog, specijaliziranog prostora za realizaciju nastavnog procesa shodno broju studenata koji je predložen za upis, kao i broju i strukturi već upisanih studenata.

3. ANALIZA ZASTUPLJENOSTI STUDIJSKIH PROGRAMA NA NIVOU VISOKOŠKOLSKE USTANOVE

Nadležno tijelo visokoškolske ustanove obavezno je u postupku razmatranja prijedloga organizacionih jedinica i utvrđivanja jedinstvenog prijedloga plana upisa studenata u prvu studijsku godinu, analizirati strukturu i broj studijskih programa koji se realiziraju na nivou visokoškolske ustanove, vodeći računa da li se na pojedinim organizacionim jedinicama izvodi nastavni proces iz istih ili sličnih studijskih programa nakon čijeg okončanja se stiču iste ili slične kvalifikacije.

4. ANALIZA PODATAKA SLUŽBI NADLEŽNIH ZA VOĐENJE EVIDENCIJE O NEZAPOSLENIM OSOBAMA

Visokoškolska ustanova je obavezana prijedlog plana upisne politike dovesti u vezu s podacima specijaliziranih institucija koje vode evidenciju o nezaposlenim osobama.

Ministarstvo za obrazovanje, nauku i mlade Kantona Sarajevo će u postupku razmatranja plana upisa u prvu godinu studija i donošenja odluke o istom (za visokoškolske ustanove kao ustanove) odnosno prosljeđivanja prijedloga Plana upisa na razmatranje Vladi Kantona Sarajevo (za visokoškolsku ustanovu kao javnu ustanovu) analizirati broj nezaposlenih lica koja se zvanično nalaze na evidencijama nadležnih službi za zapošljavanje u Federaciji Bosne i Hercegovine i Kantonu Sarajevo.



5. ANALIZA STANJA NA TRŽIŠTU RADA

U postupku utvrđivanja strukture i broja studenata za upis u prvu godinu studija, visokoškolska ustanova bi trebala, neposredno ili preko svojih organizacionih jedinica, vrednovati informacije o stanju i potrebama tržišta rada.

Ministarstvo za obrazovanje, nauku i mlade Kantona Sarajevo će u postupku razmatranja plana upisa u prvu godinu studija i donošenja odluke o istom (za visokoškolske ustanove kao ustanove) odnosno prosljeđivanja prijedloga plana upisa na razmatranje Vladi Kantona Sarajevo (za visokoškolsku ustanovu kao javnu ustanovu) uzeti u obzir i analizirati informacije specijaliziranih institucija za praćenje stanja na tržištu rada (Udruženje poslodavaca u Federaciji Bosne i Hercegovine, Privredna komora Federacije Bosne i Hercegovine, Privredna komora Kantona Sarajevo i dr.).

6. DEFINISANJE JEDINSTVENOG PRIJEDLOGA PLANA UPISA VISOKOŠKOLSKE USTANOVE

Nadležni organ visokoškolske ustanove (senat) obavezan je, prilikom utvrđivanja jedinstvenog prijedloga plana upisa koji se prosljeđuje Ministarstvu odnosno Vladi Kantona Sarajevo, sintetizirati pojedinačne prijedloge plana upisa organizacionih jedinica i u tom smislu:

- izvršiti analizu dostavljenih prijedloga organizacionih jedinica uvažavajući naprijed navedene kriterije i parametre,
- obrazložiti jedinstveni prijedlog plana upisa na nivou visokoškolske ustanove te obrazložiti odstupanja od upisne politike za proteklu studijsku godinu.

Sve licencirane i akreditovane visokoškolske ustanove na području Kantona Sarajevo su obavezne postupati u skladu sa ovom instrukcijom počev od studijske 2015./2016. godine.



MINISTAR

Prof. dr. Elvir Kazazović

Dostaviti:

- Svim visokoškolskim ustanovama na području Kantona Sarajevo,
- a/a.

